



Savaatillit nersutaatillillu inuussutissarsiuteqarnerannut nanoqartalenera qanoq annertutigisumik ajornartorsiutaalersimanera, tamatumanilu tamatuma qanoq iliuseqarfigineqarsinnaanera pillugu Naalakkersuisut misissuisitsissasut Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

(Siullermeerinnineq)

2012-mi § 37 naapertorlugu nannut kujataanut anngussimasut qassiuneri apeqputigaakka. Akissummi malunaarpoq pineqartut agguaqatigiisillugu ukiumut nannut tallimat missaanni amerlanerpaamik qulit. Kisitsit qularnarpoq taamaallaat pineqarmata nannut pisarineqarsimasut.

Nannut kujataanut annguttartu amerlanerpaartaat arlaatigut toqunneqartarput. Ajornartorsiutaaginnarporli savaatillit uumasunik toqutsisinnaanngimmata, taamaattumik piniartoq nannunniarnissamut akuersissummik peqartoq piniarnermulluunnii nakkutilliisoq pissarsiariniaqqaartariaqartarpat.

Nannut qassiuneri qiviraanni periuseq pisarioqaaq nannut ikittunnguit piinarlugit. Taamaattumik Demokraatini isumaqarpugut paasiniaanissanut misissuinissanullu taarsiullugu Kujataani nannut tamanut paggatassiissutigineqassasut aamma nunakkoortut. Nannut pisarineqartut taava ukiup tulliani pisassiissutigineqartunut ilanngaatineqarsinnaapput. Taamatut ajornartorsiummut aaqqineq pisariinnerpaajussaaq.

Taamatut tunngavilersuuteqarluta manna siunnersuut itigartipparput inassutigalugulu parlattuanik aallaaniarnermut inatsit allanngortinneqassasoq, nannunik inunnik ulorianartorsiortitsisunik nannunniarneq ajornannginnerulersillugu.